

2021 йил 7-апрель да  
Қорақалпоғистон Республикаси  
Адлия вазирлиги томонидан  
24П-сон билан  
«РҮЙХАТГА ОЛИНГАН»

2021 йил 23 февральда  
ЎКУФ Ижроия қўмитасининг  
2-25 «с»-сонли қарорига  
4-илова билан  
«ТАСДИҚЛАНГАН»



**ЎЗБЕКИСТОН КАСАБА УЮШМАЛАРИ  
ФЕДЕРАЦИЯСИННИНГ  
ҚОРАҚАЛПОҒИСТОН КЕНГАШИ**

**НИЗОМИ**

## I. Умумий қоидалар

1.1. Ўзбекистон касаба уюшмалари Федерациясининг (кейинги ўринларда “Федерация” деб аталади) Қорақалпоғистон Кенгаши (кейинги ўринларда “Кенгаш” деб аталади) – Федерацияга аъзо ташкилотларнинг устав вазифаларини бажаришдаги саъй-ҳаракатларини мувофиқлаштириш, шунингдек, уларнинг умумий манфаатларини ифода этиш ва ҳимоя қилиш, амалдаги қонунчилик доирасида ҳуқукий кафолатларини таъминлаш, касаба уюшмалари аъзоларининг ҳуқуқ ва манфаатларини ҳимоялаш борасидаги Федерациянинг барча вазифаларини Қорақалпоғистон республикасида бажарадиган алоҳида бўлинмаси ҳисобланади.

Кенгаш айни вақтда Федерацияга аъзо ташкилотларнинг ҳудуддаги бўлинмалари ва бошлангич ташкилотлари (кейинги ўринларда «касаба уюшмалари ташкилотлари» деб юритилади) бирлашмаси ҳисобланади, касаба уюшмалари аъзоларининг ҳуқуқ ва манфаатларини ҳимоялаш ишларини улар билан ўзаро ҳамкорлик, ҳамжиҳатлик ҳамда бирдамлик асосида амалга ошириш ва фаолиятларини мувофиқлаштириш мақсадида ташкил этилган.

Кенгаш юридик шахс мақомига эга бўлиб, унинг ташкилий-ҳуқуқий шакли муассасадир.

1.2. Кенгаш ўз фаолиятини Ўзбекистон Республикасининг Конституцияси, Мехнат ва Фуқаролик кодекслари, «Касаба уюшмалари тўғрисида»ги, «Ўзбекистон Республикасида жамоат бирлашмалари тўғрисида»ги, «Нодавлат нотижорат ташкилотлари тўғрисида»ги, “Мехнатни муҳофаза қилиш тўғрисида”ги ва бошқа қонунлари, Федерация Устави ҳамда мазкур Низом асосида амалга оширади.

1.3. Кенгаш Ўзбекистон касаба уюшмалари Федерацияси Бош кенгашининг (кейинги ўринларда “Бош кенгаши” деб аталади) қарорига мувофиқ ташкил этилади.

1.4. Кенгаш ўз олдида турган вазифаларни амалга ошириш мақсадида ўз аппаратини шакллантиради. Кенгаш аппаратининг тузилмаси ҳамда штатлар жадвали Федерация Ижроия кўмитаси томонидан тасдиқланади.

1.5. Кенгаш ва касаба уюшмалари Республика кенгашларининг муносабатлари ўзаро хурмат, ишонч, Федерация олдида турган вазифаларни бажаришда яқиндан ҳамкорлик ва бирдамлик тамойиллари асосида қурилади.

1.6. Кенгаш ҳудуддаги барча касаба уюшмалари ташкилотлари томонидан Федерация Устави талабларига риоя этилиши учун жавобгар ваколатли орган ҳисобланади.

1.7. Кенгашнинг номланиши:

ўзбек тилида: тўлиқ – Ўзбекистон касаба уюшмалари Федерациясининг Қорақалпоғистон Кенгаши; қисқартмаси – ЎКУФ ҚҚҚ;

рус тилида: тўлиқ – Каракалпакский Совет Федерации профсоюзов Узбекистана; қисқартмаси – ККС ФПУ;

1.8. Кенгашнинг раҳбар органи жойлашган ери (почта манзили):  
230100 Ўзбекистон Республикаси, Нукус шаҳри, Атодепур кўчаси, 120-уй.

## **II. Кенгашнинг раҳбар органлари**

### **2.1. Қўйидагилар Кенгашнинг раҳбар органлари ҳисобланади:**

Конференция;

Кенгаш;

Кенгашнинг Ижроия қўмитаси;

Кенгаш раиси.

**2.2. Конференция Кенгашнинг олий органи бўлиб, Кенгаш томонидан беш йилда камида бир маротаба чақирилади.**

Конференция чақириш, вакиллик меъёри ҳамда тавсия этилаётган кун тартиби тўғрисида конференциядан камида 15 (ўн беш) кун олдин эълон қилинади.

### **2.3. Конференция ваколатига:**

Кенгаш, шунингдек, тафтиш комиссияси аъзоларини ҳамда раисларини сайлаш, ҳудуддаги касаба уюшмалари ташкилотлари томонидан тўғридан-тўғри вакил йўллаш усулида Кенгаш таркибига сайланган вакилларнинг ваколатини тасдиқлаш;

Кенгаш ва тафтиш комиссиясининг фаолиятлари тўғрисидаги ҳисботларини тинглаш, уларни баҳолаш (тасдиқлаш);

Кенгашнинг узоқ муддатга мўлжалланган дастурий ҳужжатларини қабул қилиш, уларга ўзгартириш ва қўшимчалар киритиш;

белгиланган тартибда ва вакиллик меъёрига мувофиқ Федерация Курултойига делегатларни, Федерация Бош кенгаши таркибига вакилларини сайлаш, уларни чақириб олиш;

Федерация Устави ва мазкур Низомга зид келмайдиган бошқа масалаларни ҳал этиш киради.

**2.4. Кенгаш конференциялар оралиғида раҳбар орган бўлиб, 5 йил муддатга сайланади.**

Кенгаш бевосита конференцияда сайлаш ёки белгиланган меъёрга мувофиқ унинг таркибига касаба уюшмалари ташкилотларидан вакил йўллаш принципи бўйича шакллантирилади.

Федерация раиси таклиф этган қўпи билан икки нафар номзодлар тўғридан-тўғри Кенгаш аъзолигига киритилади.

Кенгаш мажлиси Кенгашнинг Ижроия қўмитаси қарорига мувофиқ заруратга караб, лекин ҳар йили камида бир маротаба ўтказилади.

### **2.5. Кенгаш:**

Худуддаги касаба уюшмалари ташкилотларининг касаба уюшмалари аъзоларини ижтимоий-иқтисодий ҳуқуқ ва манфаатларини химоя қилиш борасидаги саъй-ҳаракатларини бирлаштиради ва фаолиятларини мувофиқлаштириб боради;

давлат органларида касаба уюшмалари ташкилотлари ва аъзоларининг меҳнат, ижтимоий-иқтисодий ҳуқуқлари ҳамда манфаатларини ифодалайди ва химоя қиласи;

мехнат, бандлик, майший турмуш, соғломлаштириш, маданий-маърифий ва спорт ишлари, шунингдек бошқа масалалар бўйича тегишли идораларга таклифлар киритади ҳамда уларнинг ҳаётга татбиқ этилишига эришади;

аҳолининг турли гурухлари ва қатламлари турмуш даражасини ўрганади, аҳоли даромадлари ва халқ истеъмол моллари ҳамда хизматлар нархининг ўсиш индекси нисбатини тартибга солиш бўйича таклифлар тайёрлашда иштирок этади;

худудда ижтимоий-иктисодий инфраструктурани ривожлантириш режаларини шакллантиришда иштирок этади;

қонунчиликка асосан ҳамда Федерация томонидан белгиланган тартибда хайрия ва ҳомийлик фаолиятини амалга оширади;

ўз тасарруфидаги ташкилотлар фаолиятини мувофиқлаштиради ва раҳбарлик килади;

умумий мақсадлар йўлида Федерацияга аъзо ташкилотлар билан ҳамкорлик килади;

молиялаштириш Федерация томонидан амалга оширилган ҳолларда Федерация Ижроия қўмитаси томонидан маъқулланган касаба уюшмаси бюджетининг тегишли қисмини бошқаради ҳамда ишлаб чиқариш, хўжалик ва қонун билан рухсат этилган бошқа фаолиятдан тушадиган маблағларни Федерация Ижроия қўмитаси билан келишган ҳолда самарали ва мақсадли сарфланишини таъминлайди;

Федерация Ижроия қўмитаси томонидан тасдиқланган ижтимоий сугурта бюджети бўйича ишларни амалга оширади;

конференциялар оралиғида Кенгаш раисини сайлайди ва вазифасидан озод этади, Кенгаш таркибида касаба уюшмалари ташкилотлари томонидан янги вакил этилганларнинг ваколатларини тасдиқлайди, Кенгаш аъзолари таркибини тўлдириб боради;

конференциялар оралиғида Федерация Бош кенгаши таркибидаги ўз вакилларини чақиририб олади ва уларнинг ўрнига бошқа вакилларини сайлайди;

Кенгаш таркибидан чиққан ёки чиқарилган аъзоларни ўз таркибидан чиқаради;

Кенгашнинг Ижроия қўмитаси таркибини сайлайди;

Кенгашнинг Ижроия қўмитаси ҳисботини тинглайди, касаба уюшмалари ташкилотлари ўртасида юзага келган касаба уюшмалари фаолиятига доир низоларни кўриб чиқади;

зарурат тугилганда касаба уюшмалари фаолиятининг турли йўналишлари бўйича комиссиялар тузади;

Федерациянинг раҳбар органлари томонидан қабул қилган қарорларнинг ижросини таъминлайди;

Кенгашнинг конференциясини чақиради, кун тартибини таклиф этади, делегатларни сайлаш тартиби ҳамда меъёрини белгилайди;

Федерация томонидан белгиланган тартибда мулкка эгалик қилиш, фойдаланиш, тасарруф этиш бўйича меъёрий хужжатлар қабул қилади;

Федерациянинг Устави ва мазкур Низомга зид бўлмаган бошқа масалаларни ҳал этади.

**2.6.** Кенгаш касаба уюшмалари ташкилотларининг касаба уюшмаси бюджети бўйича молиявий фаолиятини мувофиқлаштириб боради, шунингдек раҳбар органлари қарорларининг бажарилишини назорат қилиш доирасида ушбу масалада уларнинг фаолиятини ўрганиши ҳамда масалани Кенгаш ёки Кенгашнинг Ижроия қўмитаси муҳокамасига киритиши мумкин.

**2.7.** Кенгаш ижтимоий солиқ тушумлари ва касаба уюшмаси бюджетлари бўйича маблағларнинг тўлиқ тушиши ва мақсадли сарфланишини ҳамда Федерацияга ажратмалар ўз вақтида ва тўла ҳажмда ўтказилишини таъминлайди, бюджет ижроси бўйича ҳисоботларни тақдим этади.

### **2.8. Кенгашнинг Ижроия қўмитаси:**

Кенгаш мажлислари оралиғида жорий масалаларни ҳал этиш учун Кенгашнинг Ижроия қўмитаси (кейинги ўринларда “Ижроия қўмита” деб аталади) сайланади.

Ижроия қўмита таркиби Кенгаш раиси, унинг ўринбосари (ўринбосарлари), Кенгаш томонидан сайланган бошқа аъзолар киради.

Федерация раиси таклиф этган қўпи билан икки нафар номзодлар тўғридан-тўғри Ижроия қўмита аъзолигига киритилади.

Ижроия қўмита мажлислари заруратга қараб, лекин ҳар чоракда камида бир маротаба ўтказилади.

### **2.9. Ижроия қўмита:**

Кенгаш мажлисига муҳокама этиладиган масалалар юзасидан тегишли хужжатларни тайёрлайди ва қўриб чиқиш учун тақдим этади, қабул қилинган қарорларнинг бажарилиши назоратини ташкил қиласди;

касаба уюшмалари ташкилотларининг ҳодимларнинг ижтимоий ҳимоясини таъминлашга оид талабларини давлат органларида қўллаб-қувватлайди, уларнинг ҳукуқ ва манфаатларини ҳимоя қилиш учун қонунчиликда белгиланган ҳукуқлардан фойдаланади;

Кенгаш раиси ўринбосарини (ўринбосарларини) сайлайди,

Кенгаш номидан иш берувчилар бирлашмалари ва маҳаллий давлат ҳокимияти органлари билан ҳодимларнинг меҳнат, ижтимоий-иктисодий манбаатларини ҳимоя қилиш юзасидан ҳудудий келишув тузиш учун музокаралар олиб боради, келишув тузади ва уни амалга оширилишини назорат қиласди;

белгиланган тартибда жамоа шартномалари лойиҳаларини экспертизадан ўтказади, уларнинг бажарилишини таҳлил қиласди ва ҳисобини юритади, касаба уюшмалари ташкилотларига бу борада амалий ёрдам кўрсатади;

худуддаги давлат бошқаруви органлари, идора, ташкилотлар, фуқаролик жамияти институтлари билан ҳамкорликни йўлга қўяди;

худудда иш ҳақи, ҳодимнинг соғлигига шикаст етказилганлиги ёки унинг вафоти муносабати билан бериладиган зарар тўловларининг ўз вақтида тўланиши устидан жамоатчилик назоратини ва мониторингини олиб боради;

худудий меҳнат бозоридаги вазиятни таҳлил қилиб боради, янги иш ўринларини яратиш дастурига таклифлар киритади ва бажарилишини мониторинг қиласди;

янги иш ўринлари яратилганлигига доир маълумотларнинг ҳаққонийлигини жойларга чиқиб ўрганиш ишларини мувофиқлаштириб боради;

худудда иш ўринлари қисқартирилиши ёки корхоналар тугатилиши натижасида бўшатиб олинган ходимларга қўшимча моддий мадад чоралари берилиши назорат қиласи;

яширин ишсизлик ва норасмий бандликни чеклаш борасида касаба уюшмалари ташкилотларига амалий ёрдам кўрсатади;

қонун хужжатлари ва жамоа шартномаларида назарда тутилган ижтимоий ҳимоя чоралари кўлланилишини назорат қилиш ишларини ташкиллаштиради;

мехнат муҳофазаси соҳасида олиб борилаётган ишлар ҳақидаги маълумотларни таҳлил қиласи ҳамда меҳнатни муҳофаза қилиш бўйича ишларни ташкил этиш, баҳтсиз ходисалар ва касб касалликларининг олдини олиш бўйича тегишли чоралар кўриш юзасидан иш берувчиларга талабномалар киритади;

Халқаро Мехнат Ташкилотининг Ўзбекистон Республикаси томонидан ратификация қилинган Конвенцияларига худудда риоя этилиши устидан жамоатчилик назоратини ташкил этади;

касаба уюшмаларининг устав вазифалари доирасига кирувчи масалалар юзасидан жамоатчилик назоратининг барча шакллари (давлат органларига мурожаат қилиш, жамоатчилик мониторинги, жамоатчилик эшитуви, жамоатчилик текшируви, жамоатчилик фикрини ўрганиш ва ҳоказолар)дан фойдаланади;

касаба уюшмалари аъзоларининг ижтимоий-иктисодий манфаатларини, меҳнат ҳуқуқларини ҳимоя қилиш, меҳнат муҳофазаси, ходимлар ва уларнинг оила аъзоларини соғломлаштириш, касаба уюшмалари ходимлари ва фаолларини ўқитиш, маданий-маърифий ва спорт тадбирларини ўтказиш соҳасида иш олиб боради, ушбу масалаларда давлат органлари ва жамоат ташкилотлари билан қўшма қарорлар қабул қиласи;

янги ташкил этилаётган корхоналарни фойдаланишга қабул қилишда касаба уюшмалари вакиллари иштирокини таъминлайди, рўйхатдан ўтган корхона ва ташкилотлар рўйхатини шакллантиради, касаба уюшмалари Республика кенгашлари билан ҳамкорликда уларда ишловчи ходимларни касаба уюшмаларига жалб этиш чораларини кўради;

мулкчилик шаклидан қатъий назар, давлат ва хўжалик бошқарув органларининг ходимлар ҳақ-ҳуқуқлари ва манфаатларини камситувчи ва амалдаги конунларга зид қарорларини бекор қилишга, ижросини тўхтатишга ва ўзгартиришга эришади;

касаба уюшмалари фаолиятининг устувор йўналишларидан келиб чиқсан ҳолда, Кенгашнинг моддий-техник базасини кучайтириш, интигуционал ривожлантириш мақсадида Федерация билан келишган ҳолда бошқа давлатларнинг касаба уюшмалари, халқаро ташкилотлар, экологик ва бошқа фонdlар билан ўзаро ҳамкорлик қилиш, ҳамкорликда лойиҳаларни тайёрлаш ва амалга оширишда иштирок этади;

Кенгашнинг молиявий-хўжалик фаолиятини амалга оширади, молиялаштириш Федерация орқали амалга оширилган ҳолларда Федерациянинг Ижроия кўмитаси томонидан маъкулланган касаба уюшмаси ва ижтимоий сугурта бюджети бўйича даромадлар ва харажатлар сметасини, мазкур бюджетлар хисобидан санаторийларга йўлланмаларни тақсимлаш режасини тасдиқлади;

касаба уюшмалари ташкилотларига касаба уюшмалари ва бошқа тизимдаги санаторийларга йўлланмалар беради ҳамда болалар оромгоҳларининг тасдиқланган сметасига мувофиқ молиялаштиришда иштирок этади;

Кенгаш мажлисини чақиради, кун тартибини таклиф этади ҳамда уни ўтказиш вақти ва жойини белгилайди;

Федерациянинг Ижроия қўмитаси қарори асосида Кенгаш аппаратининг штатлар жадвалини тасдиқлайди;

касаба уюшмалари ташкилотларида касаба уюшмалари аъзоларини ижтимоий-иктисодий манфаатларини, меҳнат ҳуқуқларини ҳимоялаш, меҳнат муҳофазаси, ходимлар ва уларнинг оила аъзоларини соғломлаштириш, касаба уюшмалари ходимлари ва фаолларини ўқитиши, иш юритишини ташкил этиш, маданий ва маърифий тадбирларни ўтказиш ишларини мувофиқлаштириб боради, ўрганади, амалий ёрдам кўрсатади, зарур ҳолларда Ижроия қўмита мажлисида муҳокама этади;

касаба уюшмаларининг ўрта ва қуий бўғин органлари раҳбарлари ҳамда ходимлари учун касаба уюшмалари Республика кенгашлари билан ўзаро мувофиқлаштирилган ҳолда ўкув-семинарлар ташкил этади;

Федерациянинг раҳбар органлари қарорларига мувофиқ касаба уюшмалари ташкилотлари учун услубий қўлланмалар ишлаб чиқиши мумкин;

касаба уюшмалари кадрлари ва фаолларини Федерациянинг Фахрий ёрлиги, нишонлари билан тақдирлаш, шунингдек давлат мукофотларига тавсия этиш тўғрисида таклифлар, тақдимномалар киритади;

Кенгаш ваколат берган бошқа вазифаларни бажаради.

## 2.10. Кенгаш раиси:

Кенгаш, Ижроия қўмита аъзоси ҳамда раиси ҳисобланади ва беш йил муддатга сайланади.

Кенгашнинг сайланма органлари ишига умумий раҳбарликни амалга оширади;

Ижроия қўмита белгилаган пул маблағларини тасарруф этади;

Кенгаш аппарати ходимлари билан меҳнат шартномасини тузади (ўзгартиради, бекор қиласди), ходимларнинг функционал вазифаларини, бўлимлар тўғрисидаги Низомни тасдиқлайди;

Кенегаш аппаратининг фаолияти билан боғлиқ фармойишлар чиқаради;

Кенгаш аппарати ходимлари ўртасида ҳамкорликни таъминлайди, бўлимлarda белгиланган тадбирларнинг бажарилишини назорат қиласди;

Кенгаш аппарати ходимлари томонидан ижро интизомига риоя этилишини таъминлайди ҳамда назорат қиласди, уларни рағбатлантириш ва интизомий жавобгарликка тортиш масаласини ҳал қиласди, бажарилиши мажбурий бўлган конуний фармойишлар чиқаради (оғзаки топшириқлар беради), Кенгаш номидан ишончнома беради;

тармоқ касаба уюшмалари Республика кенгашлари билан худуд бўйича масъул ташкилотчи, Федерацияга аъзо ташкилотнинг худудий бўлинмаси раҳбари лавозимига номзодларни келишади;

касаба уюшмалари Республика кенгашларининг худуд бўйича масъул ташкилотчилари, Федерацияга аъзо ташкилотларнинг худудий бўлинмалари

раҳбарлари билан туман, шаҳар кенгашлари раислари лавозимига номзодларни келишади;

касаба уюшмаси ва ижтимоий суғурта бюджети маблағлари бўйича молиявий хужжатларга биринчи имзо кўювчи (кредит тақсимловчи) ҳисобланади ва уларнинг мақсадли сарфланиши учун жавобгар ҳисобланади;

унга ваколат берилган бошқа вазифаларни бажаради.

Куйидаги масалалар юзасидан Кенгаш аппарати ишини ташкил этади, белгиланган вазифаларнинг тезкор ҳал этилишини таъминлайди ва натижаси учун шахсан жавоб беради:

мехнат, бандлик, ижтимоий муҳофаза, соғломлаштириш, маданият, спорт ва бошқа масалалар бўйича тегишли идораларга таклифлар киритиш, уларнинг амалга оширилишига эришиш;

зарур ҳолларда кадрларни касбий тайёрлаш ва қайта тайёрлашни иш берувчилар, тегишли идоралар раҳбаријатидан талаб қилиш;

аҳолининг турли гурухлари ва қатламлари турмуш даражасини ўрганиш, аҳоли даромади, ҳалқ истеъмоли моллари ва хизматлар нархи ўсиши индекси нисбатини тартибга солиш бўйича таклифлар тайёрлашда иштирок этиш;

худудда амалга оширилаётган умумдавлат манфаатларига таалуқли ишларда, ишлаб чиқариш ва ижтимоий инфратузилмани ривожлантиришда иштирок этиш;

муружаатларни кўриб чиқиши ташкил этиш ва назорат қилиш;

касаба уюшмалари аъзоларига юридик хизмат қўрсатиш;

корхона ва ташкилот ҳодимлари ўртасида маданий-маърифий, жисмоний тарбия ва спорт тадбирларини ташкил қилишда Федерация аппаратининг маданий-маърифий ва спорт ишлари бўлими билан ҳамкорлик қилиш, уюшмалараро тадбирларни ўтказиш;

худуддаги касаба уюшмалари ташкилотларига Федерация тизимидағи санаторийларга Санатор-курортлар бошқармасидан, шунингдек ўрнатилган меъёрларга амал қилган ҳолда корхона ва ташкилотлар тасарруфидаги санаторий ва дам олиш уйларидан харид қилинган йўлланмаларни бериш ҳамда болалар дам олиш ва согломлаштириш оромгоҳлари фаолиятини ташкил қилиш, молиялаштириш масалаларини ҳал қилиш, ҳодимлар ва уларнинг оила аъзоларини согломлаштириш ҳамда маданий дам олишларини ташкил этиш;

туман, шаҳар кенгашлари, Республика кенгашларининг масъул ташкилотчилари, Федерацияга аъзо ташкилотларнинг ҳудудий бўлинмалари раҳбарлари билан ҳамкорликда бошлангич ташкилотларда касаба уюшмаларига аъзолик бадаллари тушуми тўлиқлигини таъминлаш;

республика ва маҳаллий оммавий аҳборот воситалари орқали кенг жамоатчиликни Кенгашнинг фаолияти тўғрисида хабардор этиш;

Федерация томонидан талаб қилинаётган аҳборот ва ҳисботларни ўз вактида тақдим этиш;

## 2.11. Кенгашнинг тафтиш комиссияси:

Кенгаш конференцияси томонидан Кенгашнинг ваколат муддатига тенг муддатга сайланади ва жамоатчилик асосида фаолият юритади;

ўз фаолиятида мустақил бўлиб, фақат Кенгаш конференцияси олдида ҳисобот беради.

Федерация Устави, мазкур Низом ва Кенгаш томонидан қабул қилинадиган Низомга мувофиқ фаолият олиб боради.

2.12. Кенгаш тафтиш комиссиясининг фаолияти Федерациянинг Назорат-тафтиш комиссияси томонидан бевосита мувофиқлаштирилиб ва йўналтирилиб турилади.

### **III. Кенгаш конференцияси, Кенгаш ва унинг Ижроия қўмитаси, тафтиш комиссияси мажлисларининг тўла ҳукуқли бўлиши, уларда қарорлар қабул қилиш ва овоз бериш шакллари**

3.1. Кенгаш конференцияси делегатларнинг камида учдан икки қисми иштирок этгандагина ваколатли ҳисобланади.

3.2. Кенгаш, Кенгаш ижроия қўмитаси, Кенгаш тафтиш комиссияси мажлислари ушбу сайланма органлар аъзоларининг ярмидан кўпи иштирок этган тақдирда ваколатли ҳисобланади.

3.3. Кенгаш конференцияларида, Кенгаш, Кенгашнинг ижроия қўмитаси, Кенгаш тафтиш комиссияси мажлисларида иштирок этаётган делегатлар ёки аъзоларнинг ярмидан кўпи ёқлаб овоз берган қарорлар қабул қилинган ҳисобланади.

Овоз бериш шакли (очик ёки яширин бўлиши) конференция делегатлари, сайланма органлар аъзолари томонидан белгиланади.

3.4. Кенгашнинг раҳбар органлари мажлисини бевосита йигилиш кўринишида ўтказишнинг имкони бўлмаган ҳолларда, мажлислар вибиокоференсалоқа ёки бошқа усулларда ўтказилиши мумкин, шунингдек қарорлар сўров ўйли билан ҳам қабул қилиниши мумкин.

### **IV. Кенгашнинг маблағлари ва мулки**

4.1. Кенгаш маблағлари Федерациянинг тегишли органи қарорлари билан тасдиқланган меъёрий хужжатларга асосан тушган, Федерация томонидан молиялаштирилган маблағлар, касаба уюшмалари ташкилотларидан тушган бадаллар, ижтимоий солик тўловларидан йўналтирилган, ишлаб чиқариш, хўжалик ва қонун билан тақиқланмаган бошқа фаолиятдан тушадиган маблағлардан ташкил топади ва унинг эгалик ҳукуқисиз оператив бошқарувида бўлади.

4.2. Кенгаш амалдаги қонунчиликка биноан ва Федерация томонидан белгиланган тартибда ўзига тегишли маблағлардан фойдаланади ва тасарруф этади.

4.3. Кенгаш амалдаги қонунларда белгиланган тартибда ташқи иқтисодий фаолиятни амалга ошириш, суғурта ва акциядорлик жамиятларини, ўзига тегишли ва қўшма корхоналарини ташкил этиш, мақсадли жамғармаларни шакллантириши мумкин. Кенгашнинг даромадлари касаба уюшмалари ташкилотлари ўртасида тақсимланмайди ҳамда Федерация Уставида кўзда тутилган мақсадларга сарфланади.

4.4. Кенгаш касаба уюшмалари мулкига эгалик қилиш ва тасарруф этиш (мулкчилик шаклини ўзгартириш, сотиш, фойдаланишга ёки ижарага бериш, ҳадя этиш ва шу каби) масалаларини ҳал этишда факат Федерациянинг Ижроия қўмитасини рухсати билан иш кўради.

4.5. Кенгаш Федерация билан келишилган ҳолда, ишлаб чиқариш, хўжалик ва қонун билан рухсат этилган бошқа фаолиятдан тушадиган маблағларни янги иш ўринларини яратиш ҳамда Федерация Устави ва мазкур Низомда белгиланган вазифалар доирасида маданий-оммавий, спорт-соғломлаштириш тадбирларини ўтказиш мақсадларига сарфлаши мумкин.

#### **V. Кенгашнинг юридик шахс сифатидаги хукуклари**

5.1. Кенгаш давлат рўйхатидан ўтказилган кундан эътиборан юридик шахс ҳисобланади. У ўз муҳри, штамплари, бланклари ва банкларда ҳисоб рақамларига эга.

5.2. Кенгаш ўз бланкида Федерация рамзи тасвиридан фойдаланиши мумкин.

#### **VI. Кенгашнинг ҳисоб ва ҳисботи**

6.1. Кенгаш ўз фаолиятининг натижалари ҳисобини юритади ҳамда рўйхатдан ўтказувчи, солик ва статистика органлари, шунингдек Федерацияга белгиланган тартибда ҳисботлар тақдим этади.

#### **VII. Кенгашни қайта ташкил этиш ва тугатиш тартиби**

7.1. Кенгаш Федерация Бош кенгаши қарори билан тузилади ёки тугатилади за уни қайта ташкил этиш қонунда белгиланган тартибда амалга оширилади.

7.2. Кенгашни тугатиш ҳақида Федерация Бош кенгаши томонидан қарор кабул килинган тақдирда, Федерациянинг Ижроия қўмитаси тугатиш комиссиясини тузади, шунингдек, кредиторлар талаби қаноатлантирилгандан сўнг колган мулки Федерацияга ўтказилади.

7.3. Кенгаш фаолиятини тўхтатиш, шунингдек, Кенгашни тугатиш Ўзбекистон Республикаси қонунчилигига белгиланган тартибда суд томонидан амалга оширилиши мумкин.

#### **VIII. Якуний қоидалар**

8.1. Мазкур Низомга ўзгартириш ва қўшимчалар киритиш Федерациянинг Ижроия қўмитаси ваколатига киради.

8.2. Низомга киритилган барча ўзгартиш ва қўшимчалар белгиланган тартибда қайта рўйхатдан ўтказиш учун вилоят Адлия бошқармасига тақдим этилади.

Ўзбекистон касаба уюшмалари Федерацияси раиси.  К.Рафиқов

Ушбу низом тикилган ҳолда  
жами 10 варақдан иборат

ИМЗО





DUKE LIBRARIES  
LIBRARY